

ՄԱՍ 2. ՌԻՍԿԵՐԻ ՎՐԱ ՀԻՄՆՎԱԾ ՀԱՇՎԵՔՆՆՈՒԹՅԱՆ ՎԵՐԱԲԵՐՅԱԼ ԱՄՓՈԲ ՏԵՂԵԿԱՏՎՈՒԹՅՈՒՆ

Նկատի ունենալով այն հանգամանքը, որ «Հաշվեքննիչ պալատի մասին» ՀՀ օրենքի 30-րդ հոդվածի 1-ին մասի համաձայն, ընթացիկ բոլոր եզրակացությունները Հաշվեքննիչ պալատի կողմից ներկայացվել են Ազգային ժողով, կառավարություն և հրապարակվել Հաշվեքննիչ պալատի պաշտոնական ինտերնետային կայքում: Հաշվեքննիչ պալատը տարեկան հաղորդման մեջ արտացոլել է հաշվեքննության առավել ուշագրավ արդյունքները:

Տվյալ մոտեցմամբ Հաշվեքննիչ պալատը նպատակադրվել է սույն տարեկան հաղորդումն անհարկի չծանրաբեռնել, այն դարձնել մատչելի, դրանում ներառել միայն էական նշանակության տեղեկություններ:

Հաշվեքննիչ պալատի դատողություններով սույն տարեկան հաղորդումը տալիս է բավարար տեղեկատվություն Ազգային ժողովին և հանրությանը այն մասին, որ Հաշվեքննիչ պալատը հաշվեքննությունն իրականացրել է օրինականության և տնտեսման, նպատակային ու ծախսային արդյունավետության սկզբունքների համաձայն:

ՔԱՂԱՔԱՑԻԱԿԱՆ ԱՎԻԱՑԻԱՅԻ ԿՈՄԻՏԵԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը		Ստուգման օբյեկտները
ՀՀ քաղաքացիական ավիացիայի կոմիտե		«Հայաերոնավիգացիա» ՓԲԸ «Ավիաուսումնական կենտրոն» ՓԲԸ
Հաշվեքննության կատարման ժամկետը		Հաշվեքննությունն ընդգրկող ժամանակաշրջանը
06.07.18-04.03.19թթ.		01.01.17-30.09.18թթ.
Հաշվեքննության առարկան		Հաշվեքննության մեթոդաբանությունը
Պետական բյուջեից հատկացված միջոցների օգտագործում, բյուջետային մուտքերի ապահովում և պետական սեփականության կառավարում		Իրականացվել է ֆինանսական, համապատասխանության և կատարողականի հաշվեքննություն: Կիրառվել են գնում, դիտարկում, հարցում, արտաքին հաստատում, վերլուծական ընթացակարգ, վերականգնում, վերահաշվարկ հաշվեքննության ընթացակարգերը
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
4	7	14
Հաշվեքննության կարծիք		
Ֆինանսական և համապատասխանության հաշվեքննության մասով տրվել է «դրական եզրահանգում» կարծիք:		
Զեն պահպանվել կատարողականի հաշվեքննության տնտեսման և նպատակային արդյունավետության սկզբունքները:		

Առավել ուշագրավ փաստեր

- «Ավիաուսումնական կենտրոն» ՓԲԸ-ն ուսանող-օդաչուների ուսումնասիրությանը պայմաններ է ընդհանուր իրականացման համար «Մեյն Ավիեյշն Տեքնիքս» ՍՊԸ-ից վարձակալել է «DIAMOND 40» տիպի օդանավ: Նշված օդանավը «Մեյն Ավիեյշն Տեքնիքս» ՍՊԸ-ն ներմուծել է դեռևս 2013 թվականին, որի մաքսային արժեքը կազմել է 86.2 մլն դրամ՝ ներառյալ հարկերը, որն, ըստ էության, տվյալ օդանավի շուկայական արժեքն է: 2013 թվականից սկսած այդ օդանավի վարձակալության համար «Ավիաուսումնական կենտրոն» ՓԲԸ-ն վճարել է շուրջ 600 մլն դրամ վարձավճար, այսինքն՝ օդանավի արժեքի շուրջ յոթնապատիկի չափով:
- Համապատասխան հսկողական մեխանիզմների բացակայությունը հնարավորություն է ընձեռում տիրապետել ավիաընկերությունների կողմից իրականացված գործունեության փաստացի ծավալներին, ինչը բարձրացնում է հայտարարագրված հասույթների արժանահավատության ռիսկը: Այսպես, 2017թ. ընթացքում երկու ավիաընկերություններ, որոնք ունեցել են 10-ից ավելի օդանավեր (բազավորման վայրը աֆրիկյան երկրներ), համախառն եկամուտ են ցույց տվել, համապատասխանաբար, մեկ օդանավի մասով, տարեկան միջինը՝ 1,727.6 հազ. դրամ և 4,733.3 հազ. դրամ:
- Բլանկների շարժի հաշվառման և ձևակերպման գործընթացի ուսումնասիրության արդյունքում պարզվել է, որ ընդամենը 369 արժեթուղթ բացակայում է: Ստացված բլանկների շրջանառության նկատմամբ պատշաճ հսկողություն չի իրականացվել ԶԱԳՎ-ի ղեկավարության կողմից, որն ուշադրությունից դուրս է թողել այդ հարցերը՝ բավարար կերպով չկանոնակարգելով պետական նշանակության բլանկների շրջանառությանը ներկայացվող պահանջների կատարմանն ուղղված գործառնությունները, առկա են չվերադարձվող բլանկներով գործունեություն իրականացնելու ռիսկեր:

ՀՀ ԱՌՈՂՋԱԿԱՅԻՆՈՒԹՅԱՆ ՆԱԽԱՐԱՐՈՒԹՅԱՆ ԱՌՈՂՋԱԿԱՅԱԿԱՆ ԾՐԱԳՐԵՐԻ ԻՐԱԿԱՆԱՑՄԱՆ ԳՐԱՍԵՆՅԱԿԻ ՀԱՇՎԵՆՆՈՒԹՅՈՒՆ

Հաշվեքննության օբյեկտը	
ՀՀ առողջապահության նախարարության «առողջապահական ծրագրերի իրականացման գրասենյակ» պետական հիմնարկ (այսուհետ՝ ԾԻԳ)	
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը
06.07.18-29.03.19թթ.	01.01.17-30.09.18թթ.
Հաշվեքննության առարկան	Հաշվեքննության մեթոդաբանությունը
Վարկային և դրամաշնորհային ծրագրեր	Իրականացվել է համապատասխանության և կատարողականի հաշվեքննություն, կիրառվել են գնում, դիտարկում, հարցում, արտաքին հաստատում, վերլուծական ընթացակարգ, վերակատարում, վերահաշվարկ հաշվեքննության ընթացակարգերը

Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
0	2	5

Հաշվեքննության կարծիք

Համապատասխանության հաշվեքննության մասով տրվել է «ոչ լիարժեք եզրահանգում» կարծիք: Զի պահպանվել կատարողականի հաշվեքննության տնտեսման սկզբունքը:

Առավել ուշագրավ փաստեր

- ԾԻԳ-ի կողմից ձեռք բերված սարքավորումների և պարագաների գները համեմատվել են դրանք ԾԻԳ-ին մատակարարած կազմակերպությունների կողմից ներմուծման և ձեռքբերման գների հետ: 2.18 մլրդ դրամ արժեքով 167 անվանում ապրանքների համեմատությամբ պարզվել է, որ մատակարարները դրանք ձեռք են բերել 1.3 մլրդ դրամով կամ ԾԻԳ-ին տրամադրել են 847.2 մլն դրամ ավելի արժեքով (առանց տեղափոխման, տեղադրման և ուսուցման ծախսերի):

Մասնավորապես, «Ար. Մեդտեխնիկա» ՍՊԸ-ի կողմից 10.11.2017թ.-ին մատակարարվել է «Լապարոսկոպիկ հավաքածու»՝ 102.5 մլն դրամ արժեքով: Վերջինս այդ հավաքածուն 30.10.2017թ.-ին ձեռք է բերել 41.0 մլն դրամով մեկ այլ մատակարարից և մոնիտորը ՀՀ է ներմուծվել 3.3 մլն դրամով: Նշված հավաքածուն (առանց մոնիտորի) ձեռք էր բերել նույն օրը՝ 38.97 մլն դրամով, վերջինս էլ նշված հավաքածուն ՀՀ է ներմուծել 28.03.2017թ.-ին, որի մաքսային արժեքը կազմել է 23.2 մլն դրամ: Հատկանշական է, որ «Ար.Մեդտեխնիկա» ՍՊԸ-ի կողմից ԾԻԳ-ին 02.03.2018թ.-ին մատակարարվել է համանման «Լապարոսկոպիկ հավաքածու»՝ 37.5 մլն դրամով:

- Հաշվեքննության ընթացքում համեմատվել են բժշկական հաստատությունների համար սարքավորումների, կահույքի և պարագաների միևնույն լոտերի համար հայտ ներկայացրած կազմակերպությունների գնային առաջարկների առանձին չափաբաժինների միավորի գները և տեխնիկական բնութագրերը: Արդյունքում պարզվել է, որ եթե մրցույթների գնահատումը կատարվեր ըստ առանձին չափաբաժինների և ոչ թե լոտերի, ապա՝ երեք մրցույթներով կարող էր տնտեսվել 184.4 մլն դրամ:

ԶՐԱՅԻՆ ԿՈՄԻՏԵԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը	Ստուգման օբյեկտները
ՀՀ Էներգետիկ ենթակառուցվածքների և բնական պաշարների նախարարության ջրային կոմիտե	«Զրառ» ՓԲԸ
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը
06.07.18-29.03.19թթ.	01.01.17-30.09.18թթ.
Հաշվեքննության առարկան	Հաշվեքննության մեթոդաբանությունը
Զրային կոմիտեի ֆինանսատնտեսական գործունեությունը	Իրականացվել է համապատասխանության հաշվեքննություն: Կիրառվել են հարցում, արտաքին հաստատում, վերլուծական

ընթացակարգ, վերակատարում,
վերահաշվարկ հաշվեքննության
ընթացակարգերը:

Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
3	9	10
Հաշվեքննության կարծիք		
Համապատասխանության հաշվեքննության մասով տրվել է «ոչ լիարժեք եզրահանգում» կարծիք:		

Առավել ուշագրավ փաստեր

- Բացակայում է ջրի ծավալների իրական հաշվառումը: 2013 թվականին 500.0 հազ. եվրո արժեքով ձեռք բերված չափիչ սարքերը սահմանված վայրերում անհասկանալի պատճառներով տեղադրված չեն:
- «Ջրառ» ՓԲԸ-ին պատկանող գույքը հանձնվել է վարձակալության՝ չպահպանելով ՀՀ օրենսդրությամբ սահմանված պահանջները, իսկ վարձավճարները սահմանվել են կամայականորեն:

Մասնավորապես.

- «Գրին Էներջի կոնցեռն» ՍՊԸ-ին Վերնաշենի պոմպակայանը վարձակալությամբ է տրամադրվել ամսական 220.0 հազ. դրամով: Վերջինս այդ պոմպակայանը գրավադրել է՝ ստանալով համապատասխան վարկային գիծ:
- «Յագուար կենդանիների աշխարհ» ՍՊԸ-ին Հեր-Հեր ջրամբարի տարածքը վարձակալությամբ տրամադրվել է ամսական 20.0 հազ. դրամով՝ ձկնաբուծության նպատակով:
- Հեր-Հեր ջրամբարից 2 ՀԵԿ-երի համար Էներգետիկ նպատակով 2017թ.-ին և 2018թ.-ի հոկտեմբերի 1-ի դրությամբ բաց է թողնվել 40.5 մլն խմ ջուր, որի դիմաց «Ջրառ» ՓԲԸ-ն ստացել է ընդամենը 3 մլն դրամ (մատակարարված ջրի ինքնարժեքը կազմել է շուրջ 93 մլն դրամ):
- Ռիսկային են գարնան նախապատրաստական աշխատանքների մասով 2017թ.-ին և 2018թ.-ի հոկտեմբերի 1-ի դրությամբ կատարված ծախսերը՝ շուրջ 460 մլն դրամի չափով, որից 233 մլն դրամը՝ կանխիկ: Այդ աշխատանքների իրականացումը փաստաթղթերով հիմնավորված չէ: Գնումների գործընթաց չի իրականացվում: Աշխատանքների արժեքներն էականորեն բարձր են: Օրինակ՝ հաստիքային աշխատողին վճարվում է ամսական 80.0 հազ. դրամ, իսկ նմանատիպ աշխատանք կատարողի հետ կնքվում է պայմանագիր՝ 27 օրվա համար՝ 917.0 հազ. դրամ, կամ «ԶԻԼ» մակնիշի մեքենաների շուկայական արժեքը կազմում է մոտ 2.5 մլն դրամ, մինչդեռ դրանք վարձակալվում են (30-42 օրվա համար) միջինը 1.2 մլն դրամով, «Կամազ» մակնիշի մեքենաները՝ 1.5 մլն դրամով: ԶՕԸ-ների կողմից նմանատիպ ռիսկային կերպով ծախսվել է 1.7 մլրդ դրամ:

- Համապատասխան ջրանցքով ինքնահոս եղանակով Սևանից ստացված ջուրն ուղղվել է (իջեցվել է) պոմպակայանների համապատասխան ավազաններ և այնտեղից հետ է մղվել նույն ջրանցքը: Նման կերպ ծախսվել է հավելյալ 1.1 մլն կվտ/ժ էլեկտրաէներգիա:
- Համադրելով որոշ պոմպերի ծախսած էլեկտրաէներգիայի ծավալը դրանց տեխնիկական ցուցանիշների (արտադրողականության) հետ, պարզվել է, որ «Ջրառ» ՓԲԸ-ի կողմից 2017թ.-ին և 2018թ.-ի հոկտեմբերի 1-ի դրությամբ պակաս է հաշվարկվել 6,528.86 և 6,798.74 հազ. խմ մեխանիկական եղանակով ստացված ջուր, համապատասխանաբար՝ 76.2 մլն դրամ և 78.3 մլն դրամ արժեքով:
- ՋՕԸ-ների կողմից չեն պահպանվել «Ջրառ» ՓԲԸ-ին ներկայացված ոռոգման ջրի տրամադրման պլան-ժամանակացույցները, ինչն ազդեցություն է ունենում Սևանա լճից բաց թողնվող ջրի, Մխչյանի և Ռանչպարի դոտացիոն պոմպային կայաններով մղվող ջրի ծավալների և, հետևաբար, ծախսված էլեկտրաէներգիայի ծավալների վրա:
- Շարունակվել է ՋՕԸ-ների կողմից ջրի դիմաց կանխիկ գանձման գործառույթի իրականացումը:
- Մշակված չէ ջրի կառավարման-պլանավորման արդյունավետ համակարգ: Պլանավորումը պետք է իրականացնել՝ սկսած գյուղացիների ջրապահանջարկից, մինչև՝ Սևանա լճից ջրի բացթողումը: ՋՕԸ-ների տեղեկատվական միասնական էլեկտրոնային համակարգի հնարավորությունները լիարժեք չեն օգտագործվում, ինչի արդյունքում ջրի կառավարման գործընթացի համար սահմանված արդյունավետությունը չի պահպանվել:
- Արփա-Սևան թիվ 2 թունելում առանձին վթարային հատվածների հիմնանորոգման աշխատանքների նախագծա-նախահաշվային փաստաթղթերը կազմվել են ՀՀ օրենսդրությամբ նախատեսված ընթացակարգերի և նորմաների անհամապատասխանություններով, որի արդյունքում նախահաշվային արժեքը բարձր է հաշվարկվել 1,6 մլրդ դրամի չափով:

ՍՈՑԻԱԼԱԿԱՆ ԱՊԱՀՈՎՈՒԹՅԱՆ ԾԱՌԱՅՈՒԹՅԱՆ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը	
ՀՀ աշխատանքի և սոցիալական հարցերի նախարարություն, ՀՀ աշխատանքի և սոցիալական հարցերի նախարարության Սոցիալական ապահովության ծառայություն	
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը
06.07.18-28.12.18թթ.	01.01.17-31.12.17թթ.
Հաշվեքննության առարկան	Հաշվեքննության մեթոդաբանությունը
Պետական բյուջեից հատկացված միջոցների օգտագործում, բյուջետային մուտքերի ապահովում և պետական սեփականության կառավարում	Իրականացվել է ֆինանսական և համապատասխանության հաշվեքննություն: Կիրառվել են գնում, դիտարկում, հարցում, արտաքին հաստատում, վերլուծական ընթացակարգ,

վերակատարում, վերահաշվարկ
հաշվեքննության ընթացակարգերը:

Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
4	11	18
Հաշվեքննության կարծիք		
Ֆինանսական և համապատասխանության հաշվեքննության մասով տրվել է «ոչ լիարժեք եզրահանգում» կարծիք		

Հաշվեքննությունն իրականացվել է ԵՄ բյուջետային աջակցության համաձայնագրի դրույթներին համապատասխան: Հաշվեքննվել է Սոցիալական ապահովության ծառայության 2017 թվականի ֆինանսատնտեսական գործունեությունը:

Սոցիալական ապահովության ծառայության տեղեկատվական շտեմարաններում, սահմանային էլեկտրոնային կառավարման տեղեկատվական համակարգում, բնակչության պետական ռեգիստրում և այլ շտեմարաններում առկա տվյալների համադրման արդյունքում պարզվել է, որ կենսաթոշակների և նպաստների վճարման գործընթացում առկա են էական խեղաթյուրման ռիսկեր:

Առավել ուշագրավ փաստեր

Աշխատանքային կենսաթոշակ (գումարը՝ 220.7 մլրդ դրամ)

- Երկրից 12 ամիս բացակայող աշխատանքային կենսաթոշակ ստացող շահառուներին անկանխիկ եղանակով փաստացի վճարվել է 702.6 մլն դրամ, կանխիկ եղանակով՝ 619.1 մլն դրամ: Երկրից բացակայող և այլ անձին լիազորագրով այդ իրավասությունը չտված անձին կենսաթոշակի տրամադրումը ռիսկային է:
- ՀՀ-ից 3-ից 9-ը ամիս բացակայող աշխատանքային կենսաթոշակ ստացող շահառուներին անկանխիկ եղանակով փաստացի վճարվել է 9 մլրդ դրամ, իսկ կանխիկ եղանակով՝ 4 մլրդ դրամ: Ծառայությունը, հաշվի առնելով քաղաքացիների՝ երկրից բացակայելու հանգամանքը, բավարար հսկողություն չի իրականացրել պարզելու համար, արդյո՞ք տվյալ անձինք պահանջվող ժամանակաշրջանում իրականում ներկայացել և ստացել են կենսաթոշակ:
- Քրեակատարողական հիմնարկներում կամ հոգեբուժարաններում գտնվող շահառուների կենսաթոշակը (602.8 մլն դրամ և 48.2 մլն դրամ) վճարվել է նաև այդ կազմակերպությունների ղեկավարների վավերացված լիազորագրերի հիման վրա: Բացակայում են երաշխիքներ, որ կենսաթոշակառուներն իրականում ստանում է իր կենսաթոշակը:
- «Հայփոստ» ՓԲԸ-ի (այսուհետ՝ Հայփոստ) միջոցով վճարվել է 178.8 մլրդ դրամի չափով (60%) կենսաթոշակ, իսկ բանկերի միջոցով՝ 119.8 մլրդ դրամի չափով (40%): Այդ ծառայությունների դիմաց պետությունը Հայփոստին վճարել է 1.5 մլրդ դրամ, իսկ բանկերին՝ 80 մլն դրամ միջնորդավճար: Հայփոստի միջնորդավճարի մեծության չափը չի հիմնավորվում:

- Հաշմանդամության համար նախատեսված չափորոշիչների խստացման և կրկնակի կենսաթոշակ վճարելու դեպքերի բացառման նպատակով 2018 թվականի բյուջե-տային ֆինանսավորման հայտով նախատեսվել է 20,575-ով կրճատել աշխատանքային կենսաթոշակ ստանալու իրավունք ունեցող անձանց թիվը: Արդյունքում պետք է առաջանար շուրջ 9 մլրդ դրամի խնայողություն: Հաշվեքննությամբ պարզվել է, որ ցուցակները չեն վերանայվել:

Ընտանեկան նպաստ (գումարը՝ 36.8 մլրդ դրամ)

Տարբեր տեղեկատվական շտեմարանների համադրման արդյունքների, բնակության վայրի փոփոխությունների, մի շարք ծածկագրերի սխալ կիրառման և անվավեր ճանաչված գործերի հիման վրա ընտանեկան նպաստի համակարգի ծրագրի (36.8 մլրդ դրամ) հաշվեքննությամբ արձանագրվել են հնարավոր էական ռիսկեր՝ 10,193 դեպքով, 2.3 մլրդ դրամի չափով: Այդ թվում՝

- Նպաստառու ընտանիքների հասցեներում բնական գազի և էլեկտրաէներգիայի սպառման 0-ական կամ չնչին ծավալներով սպառմամբ պայմանավորված ռիսկեր՝ 3,891 դեպք, 824.5 մլն դրամ:
- Ամուսնալուծված ընտանիքի երեխա և միայնակ մոր երեխա ծածկագրերի սխալ կիրառման հնարավոր ռիսկեր՝ ՀՀ արդարադատության նախարարության քաղաքացիական կացության ակտերի գրանցման տեղեկատվական շտեմարանների համադրման հիման վրա 2,184 դեպք, 741.1 մլն դրամ:
- Հարակից շտեմարանների (անշարժ գույքի առքուվաճառքների, նվիրատվությունների, տրանսպորտային միջոցների առկայության և ձեռքբերումների, մաքսային մուծումների դեպքերում) համադրման արդյունքների կիրառման կամայական և սուբյեկտիվ մոտեցումների ռիսկեր՝ 2,406 դեպք, 419.2 մլն դրամ:
- Միայնակ կենսաթոշակառու ծածկագրի սխալ կիրառման ռիսկեր՝ 269 դեպք, 55.2 մլն դրամ:
- Անշարժ գույքի ձեռքբերումների և նվիրատվության, տրանսպորտային միջոցների ձեռքբերումների և առկայության, մաքսային մուծումների վերաբերյալ տվյալներ ունեցող թվով 1,443 անվավեր ճանաչված նպաստի գործերը օրենսդրությամբ սահմանված կարգով դադարեցումների փոխարեն անվավեր ճանաչվելու ռիսկեր, որի արդյունքում նշված նպաստառու ընտանիքներին, ընդհանուր առմամբ, 215.5 մլն դրամի չափով վճարված գումարների ետգանձումներ չեն կատարվել:

Թաղման նպաստ (գումարը՝ 4.9 մլրդ դրամ)

Արձանագրվել են 90 մլն դրամ գումարի չափով թաղման նպաստների վճարման ռիսկային դեպքեր: Այդ թվում՝

- Հուղարկավորությունը կատարվել է «Վանաձորի տարեցների տուն» հիմնադրամի կողմից, սակայն տրամադրվել է նաև թաղման նպաստ՝ թվով 5 դեպք՝ 1.0 մլն դրամ գումարի չափով: Նշված 5 դեպքում թաղման նպաստը ստացել է մեկ անձ:

• Առկա են մեկ անձի կողմից թաղման նպաստ ստանալու բազմաթիվ դեպքեր՝ 89.6 մլն դրամի չափով 60 անձ ստացել է թվով 448 թաղման նպաստ, ընդ որում՝ 4 անձ ստացել է 267 թաղման նպաստ՝ 53.4 մլն դրամ ընդհանուր գումարով, որից՝

- 1 անձ՝ 169 նպաստ՝ 33.8 մլն դրամ գումարով,
- 1 անձ՝ 45 նպաստ՝ 9 մլն դրամ գումարով,
- 1 անձ՝ 35 նպաստ՝ 7 մլն դրամ գումարով,
- 1 անձ՝ 18 նպաստ՝ 3.6 մլն դրամ գումարով:

Հաշվի առնելով Հաշվեքննիչ պալատի լիազորությունների սահմանափակ շրջանակը՝ խեղաթյուրումների վերաբերյալ ռիսկերի վերջնական և ամբողջական գնահատման և բացահայտման նպատակով հաշվեքննության արդյունքներն ուղարկվել են ՀՀ կառավարություն, ինչպես նաև քննարկվել ՀՀ աշխատանքի և սոցիալական հարցերի նախարարի հետ, ում առաջարկվել է ստեղծել հատուկ աշխատանքային խումբ, որը կստուգի արձանագրված ռիսկերը և դրանց վերաբերյալ կտա համապատասխան տեղեկատվություն:

Հաշվեքննիչ պալատի 2019թ. գործունեության ծրագրի համաձայն՝ ԵՄ բյուջետային աջակցության համաձայնագրի դրույթներից ելնելով, Սոցիալական ապահովության ծառայությունում նոր հաշվեքննություն է իրականացվում՝ այս անգամ ընդգրկելով 2018 թվականի գործունեությունը:

ՀՀ ԱՐՄԱՎԻՐԻ ՄԱՐԶԻ ՆՈՐԱԿԵՐՏ ՀԱՄԱՅՆՔԻ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը		
ՀՀ Արմավիրի մարզի Նորակերտ համայնք		
Հաշվեքննության կատարման ժամկետը	Հաշվեքննությունն ընդգրկող ժամանակաշրջանը	
02.07.18-04.10.18թթ.	01.01.16-29.06.18թթ.	
Հաշվեքննության առարկան	Հաշվեքննության մեթոդաբանությունը	
Համայնքային բյուջեի միջոցների օգտագործում, բյուջետային մուտքերի ապահովում և համայնքային սեփականության կառավարում	Իրականացվել է ֆինանսական և համապատասխանության հաշվեքննություն ¹ : Կիրառվել են գնում, դիտարկում, հարցում, արտաքին հաստատում, վերլուծական ընթացակարգ, վերակատարում, վերահաշվարկ հաշվեքննության ընթացակարգերը:	
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
0	1	13

¹ Տվյալ հաշվեքննության մասով կարծիք չի ներկայացվել, քանի որ «Հաշվեքննիչ պալատի մասին» ՀՀ օրենքով կարծիք նախատեսող պահանջը սահմանող դրույթն ուժի մեջ է մտել հաշվեքննության ավարտից հետո՝ 2018 թվականի հոկտեմբերի 27-ին:

Նորակերտ համայնքի բնակչության թիվը կազմում է շուրջ 3,000 մարդ, մակերեսը՝ շուրջ 1,800 հա, միջին տարեկան բյուջետային ծախսերը՝ 85 մլն դրամ, իսկ եկամուտները՝ 68 մլն դրամ:

Հաշվեքննության արդյունքներն ուղարկվել են ՀՀ գլխավոր դատախազություն:

Առավել ուշագրավ փաստեր

- 2016թ. համայնքի մշակույթի տան, դրա բեմական մասի և գյուղապետարանի վերանորոգման համար հատկացված 26,957.1 հազ. դրամ գումարի ծախսման հաշվեքննության արդյունքում հայտնաբերվել են 6,762.1 հազ. դրամի անհամապատասխանություններ:
- Մի շարք կազմակերպությունների և ֆիզիկական անձանց պատկանող շենք-շինություններ դուրս են մնացել համայնքի հողի հարկի և գույքահարկի բազայից, որի արդյունքում համայնքի բյուջե չի վճարվել 6,709.3 հազ. դրամ գումար:
- 11,777.2 հազ. դրամի ծախսերը հիմնավորված չեն, առանց պայմանագրի փոփոխության կատարվել են ավելի վճարումներ:
- Համայնքին պատկանող նյութերի դուրս գրումը հիմնավորող փաստաթղթերը բացակայել են, իսկ աշխատանքները հաճախ կատարվել են լիցենզավորում չունեցող կազմակերպությունների կողմից:
- Համայնքի մանկապարտեզը փաստացի չի գործել, աշխատողները գտնվել են հարկադիր պարապուրդում, սակայն տնօրենին և գլխավոր հաշվապահին դրույքաչափի 100%-ի չափով աշխատավարձ է վճարվել, որի արդյունքում կատարվել է 1,389.8 հազ. դրամի չափով ավելի ծախս:
- 2016թ. սեպտեմբերին ձեռք է բերվել Toyota Land Cruiser Prado մակնիշի ավտոմեքենա 9,418 հազ. դրամով, որը 2018թ. հունվարին աճուրդով վաճառվել է 5,050 հազ. դրամով: Աճուրդի հայտարարությունում նշվել է, որ այն անսարք վիճակում է, մինչդեռ գնահատողի եզրակացության համաձայն այն գտնվել է սարքին վիճակում: Աճուրդն իրականացվել է ոչ թափանցիկ կերպով:
- Աղբահանության վճարների գծով համայնքային բյուջե չի հավաքագրվել 3,997.8 հազ. դրամ:
- Տեղական տուրք վճարող տնտեսվարող սուբյեկտների կողմից համայնքային բյուջե պակաս է վճարվել 594.2 հազ. դրամ:

ՀՀ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ ԵՎ ԲՆԱԿԱՆ ՊԱՇԱՐՆԵՐԻ ՆԱԽԱՐԱՐՈՒԹՅԱՆ ՀԱՇՎԵՔՆՆՈՒԹՅՈՒՆ

Հաշվեքննության օբյեկտը	Ստուգման օբյեկտները
ՀՀ Էներգետիկ ենթակառուցվածքների և բնական պաշարների նախարարություն	«Բարձրավոլտ էլեկտրաջանեցր» ՓԲԸ (այսուհետ՝ ԲԷՑ)

Հաշվեքննության կատարման ժամկետը		Հաշվեքննությունն ընդգրկող ժամանակաշրջանը
06.07.18-29.03.19թթ.		01.01.17-30.09.18թթ.
Հաշվեքննության առարկան		Հաշվեքննության մեթոդաբանությունը
Պետական բյուջեից հատկացված միջոցների օգտագործում, բյուջետային մուտքերի ապահովում և պետական սեփականության կառավարում		Իրականացվել է ֆինանսական և համապատասխանության հաշվեքննություն: Կիրառվել են գնում, դիտարկում, հարցում, արտաքին հաստատում, վերլուծական ընթացակարգ, վերակատարում, վերահաշվարկ հաշվեքննության ընթացակարգերը:
Համակարգին միտված առաջարկություններ	Արդյունքին միտված առաջարկություններ	Խնդիրներին միտված առաջարկություններ
5	14	31
Հաշվեքննության կարծիք		
Ֆինանսական և համապատասխանության հաշվեքննության մասով տրվել է «ոչ լիարժեք եզրահանգում» կարծիք:		

Առավել ուշագրավ փաստեր

I. ԲԷՑ-ի ներքին գնումներ

1) ☐ Սոնտաժտրանսսշին ☐ ՓԲԸ-ն ԲԷՑ-ի ճաշարանի և վարչական մասի վերակառուցման համար հայտարարված մրցույթում 353.9 մլն դրամ պայմանագրային արժեքով հաղթող է ճանաչվել, իսկ նվազագույն գին առաջարկած՝ 119 մլն դրամով պակաս մասնակցի հայտը մերժվել է՝ հայտում պահանջված լիցենզիայի բացակայության հիմնավորմամբ, մինչդեռ տվյալ լիցենզիայի վերաբերյալ տվյալները հասանելի և առկա են ՀՀ քաղաքաշինության կոմիտեի կայքում: Մրցութային փաթեթի և պայմանագրի կատարման գործընթացի փաստաթղթերի գնմամբ պարզվել է՝

ա) ☐ Սոնտաժտրանսսշին ☐ ՓԲԸ-ն ներկայացել է Նույնանման անվանմամբ այլ ընկերության լիցենզիաներ և մասնագիտական փորձառության փաստաթղթեր, ինչին մրցութային հանձնաժողովը չի արձագանքել:

բ) Ընկերության հայտը չի ապահովել որակավորման ֆինանսական չափանիշը:

գ) Պայմանագիրը կնքվել է՝ առանց պայմանագրի ապահովման բանկային երաշխիքի:

դ) Առանց որևէ իրավական երաշխիքի տրվել է կանխավճար 100 մլն դրամի չափով ապրանքներ ներմուծելու հիմնավորմամբ, ինչը սակայն իրականում չի ներմուծվել:

ե) Պայմանագիրը կնքվել է 23.09.2017թ.-ին և պետք է ավարտվեր այն կնքելուց հետո 60 օրվա ընթացքում: Պայմանագրով սահմանված աշխատանքների կատարման ժամկետն առանց հիմնավորումների երկարաձգվել է մինչև 01.06.2019թ., որով ընկերությունը խուսափել է ԲԷՑ-ի կողմից տույժերի կիրառման պայմանագրային իրավունքից, որը տվյալ դեպքում կկազմեր մոտ 177 մլն դրամ գումար: Ներկայումս աշխատանքներն ամփոփման փուլում են: Հաշվեքննության ընթացքում կատարված աշխատանքի որակը և ծավալը չեն գնահատվել, քանի որ այդ հարցերը դուրս են հաշվեքննությունն ընդգրկող ժամանակաշրջանից: